



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 2. In inventute proclari. Sapientiâ, vertitudo Præлата senioribus.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

§. V.

Justitia Pharisaica.

Nisi abundaverit justitia vestra &c. Matth. 5. 20. Quanam est justitia Phariseorum? & cur insufficientis ad regnum celorum? quia tota in apparentia hominum. Nam primò, ut docent Augustinus, Isidorus Pelus. Euthymius, Abulensis, docebant, & non faciebant Matth. 23. 3. Secundò justitia Phariseorum tota erat in exteriori: putabant enim, actus externos occidendi, adulterandi, esse peccata; non verò desideria, & concupiscentias. Tertio in afflictione corporis, non in observatione mandatorum. Sylveira hic q. 1.

Justitia Scribarum, & Phariseorum est, dicere, & non facere: ac per hoc Christus voluit

justitiam nostram esse abundantem super illorum justitiam, dicere, & facere. S. Augustinus l. de fide, & opere c. 26.

Pharisai, & Scribae, licet Sanctissimi vulgò haberentur; tamen à vera justitia multum aberrabant. 1. quia magis externas actiones, quàm internas affectiones, domabant: satagebant enim coram hominibus apparere Legis observatores, & justi. 2. quia Legis literam pravà explanatione pervertebant. 3. quia justitiam suam magis in caeremonijs, ac praesertim crebris lotionibus, quàm in vero sanctitatis studio, collocabant. Corn. in Matth. 5.

Vide Interiora.

TITULUS XXXIII. JUVENTUS.

§. I.

Symbola.

Manè astabo. Pl. 5. 5. Manè vitæ humanae: & sic Juventus dicitur manè. Sanct. Thom. Aqu. hic.

Manè semina semen suum. Eccl. 11. 6. hoc est, in tempore Juventutis: quia bonum est viro &c. S. Bonavent. hic.

Equis indomitus evadit durus, & filius remissus evadit præceps. Eccl. 30. 8. Hieroglyphicum Juvenis, & Juventutis, ejusque effranis concupiscentia, & temeritatis, est hoc, Pingitur adolescens equo indomito infidens, à quo in omnes partes raptatur. Huic occurrat quidam quarens, quò tam præceps abeat? respondet eques equum demonstrans: quò isti lubet. Quò scilicet concupiscentia rapit. Cornelius hic.

Venient ab Oriente, & Occidente. Luc. 13. 29. Ab Oriente Juventutis, ab Occidente Senectutis. Sanct. Vincent. Ferr. l. 5. in Epiph.

§. II.

In Juventute præclari sapientiâ, & rectitudine, prælati senioribus.

Fuit autem Abel pastor ovium, & Cain agricola. Gen. 4. 2. Cur prius junioris meminuit? S. Ambrosius l. de Abel & Cain c. 3. quia, etsi tempore junior, virtute præstantior est: innocentia enim tempore posterior est, quàm malitia: sed meritorum nobilitate antiquior.

Joseph cum sedecim esset annorum, pascebat gregem. Gen. 37. 2. In ovium cura veri Pastoris, & Prælati, munus adumbrasse Josephum innuit Hugo. Alvarez Illustr. 20.

Polyanth. Sacr. Tom. I.

Puer autem Samuel. 1. Reg. 3. 1. Philo in antiqu. Biblicis putat fuisse octo annorum; probabilius duodecim juxta Suidam, Cedrenum, Zonaram. Dicitur Samuel puer: ut ostendatur; Deum non curare discrimen ætatis, sed prohibitatis; cum ad Pontificem, ad Judicem totius Israel, severius, quàm antea, arguendum, non vix annis gravem, sed puerum legavit. Theodororus q. 12. ad arguendum Pontificem, qui senuerat, adolescentulus dignus est habitus, cui Deus appareret. Eam ætatem antiquæ prætulit Deus, docens; quantum canitie est melior Juventus ornata virtute. Mendoza hic.

Adbuc reliquus est parvulus. - Surge, unge eum: isse est enim. 1. Reg. 16. 11. Imperfectus quidem David per adolescentiæ tempus; ad summam tamen divini cultus arcem evehctus est. Cujus mores Deus vel in medio grege admiratus regijs ornat sceptris. S. Basilii Seleuc. or. 14.

Noli discere, puer sum: quoniam ad omnia, qua misit am te, ibis. Jerem. 1. 7. Sanct. Ambros. in Pl. 36. juvenem non putavit, quem aptum prophetica gratia judicabat. S. Chrysof. in c. 3. If. contingit juvenes cordatos esse, ac prudentes: contra videre licet; qui unà cum stoliditate, ac delicijs, consueverint: nam & Timotheus juvenis erat; is tamen Ecclesias innumeris, qui senio incanuerant, sapientius moderatus est.

Suscitavit Dominus Spiritum Sanctum pueri &c. Dan. 13. 45. S. Ambr. l. 2. in Pl. 118. Daniel, cum puer esset, accepit spiritum; quò dignus senectutis primitijs haberetur; ut redargueret senes: ipse non senior longævitate, sed gratiâ. Cui competit Davidicum illud Pl. 118. 100. Super senes intellexi. S. Ephrem. l. 5. de timore Domini: expertis timoris Domini securitas cogitationem puerilem parit: & timor Domini etiam juvenes senes reddit. S. Ignatius M. e. p. 3. ad Magnesianos: Daniel sapientissimus duodecim annorum effectus, Spiritu Sancti repletus

L 11 11

pletus est; & illos seniores, canitiem vanam habentes, calumniatores, & alienæ pulchritudinis appetitores esse manifestavit. - Salomon quidem duodecimò annò ætatis suæ regnare incipiens, arduam, & interpretabilem mulierum pro parvulis quæstionem terribili iudiciò dissolvit. Isaias verò octo annorum existens aras, & monumenta, subvertere cœpit, lucos excidere, templa dejicere, Domino consecrare. Propter quod non est contemnenda juvenus, cum Deo adjacuerit, atque adhæserit.

Alius Discipulus præcucurrit citius Petro. Joan. 20. 4. Cum ad sepulchrum citius Discipulus junior corpore advenisset, in monumentum tamen prior non intravit. Sape novitia virtus cum professa contendit: & quamquam videatur novitate ferventior; professa verò experientiâ solet esse perfectior. Simon Cass. l. 13. c. 14.

Nemo adolescentiam tuam contemnat. 1. Tim. 4. 12. Timotheus, quantum ad ætatem pertinet, juvenis erat: quantum ad mores, & conversationem; senior, & gravis. Quem ideo sic monet, ut profectus ejus per omnia exemplum esset bonorum operum: ut in adolescente mirabilis videretur, & gravis disciplina: ut actus ejus excusarent ætatem; & non quasi juvenis, sed quasi senior haberetur: & erubescerent majores natu, nisi se exhibuissent, juxta formam hujus, conversationis, & moribus graves; juvenes verò coævum suum haberent Magistrum. Mirabilis adolescens sanctissimus Timotheus! ejus exemplò indisciplina coercenda juvenus est, & seniorum irreverentia punienda. S. Ambros. hic. Pomum, quod ante alia maturefcit, gratius est, & pretiosius. De Bætio sic Ennodius: quem in puerilibus annis, sinè ætatis præjudiciò, industria fecit antiquiorem. Vix major vigesimò annò S. Thom. Aqu. orbem sapientiæ radijs illustravit. Alvarez, Illustr. 37.

Senior est, qui portat imaginem terreni hominis; junior, qui cœlestis. Sic ergo licet quilibet, quantum ad ætatem pertinet corporis, an-

nosâ vetustate decrepatus; junior erit apud Deum, perceptâ gratiæ novitate conversus. Sed iste junior gratiæ filius, homo novus, cantor novi Cantici, hæres Testamenti novi: ille junior non Cain, sed Abel; non Israël, sed Isaac; non Elau, sed Israël; non Manasses, sed Ephraim; non Heli, sed Samuel; non Saul, sed David. S. Aug. in Pl. 118. 9.

Hominum ingenia non sunt, ut vina probantur, ab antiquitate, sed a sanctitate. S. Hier. ep. 104. ad Desiderium, quæ est præfatio in Pentateuchum.

Præcedenti Sæculò fertur in India à Lusitanis visus ter centum quadraginta annorum; quiq; ter ad juventutem; Massis nostris teste, redijt. Doultreman de amore l. 1. c. 1. Sect. 3.

§. III.

Juventutem Deo impende.

Tempus faciendi Domine. Pl. 118. 126. Tempus adolescentiæ, tempus est faciendi. Tempus est fugiendi; quò te Mundus amœnus insequitur: tempus est resistendi; quò te mala occupare concertant: tempus est abstinendi; quò in te furibundus est sanguis: tempus est prudentiæ; cum prudentissimus inimicus tendicula parat: tempus est orandi; cum lingua non errat; cum genua flectere, atq; viriliter erigere, potes. Hæc omnia senectutem effugiant. Simon Cass. l. 8. c. 40.

Invidet antiquus hostis adolescentiæ hominum; quam affectat maculare delictis: novit enim, quod scribitur: *Adolescens juxta viam suam.* Prov. 22. 6. Id. ib.

Da labores Juventutis tuæ Christo; & in senectute gaudebis super pacatissimâ quietis opibus. Joan. Climacus de inanis vitæ fuga gradu 1.

